

Klub SDP BiH
Zastupnica Jelena Pekić

Sarajevo, 22.10.2024. godine

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO

n/r Predsjedavajućeg Skupštine Kantona Sarajevo

U skladu sa članom 214. Poslovnika Skupštine Kantona Sarajevo, dostavljam:

ZASTUPNIČKA INICIJATIVA

Za:

Vlada Kantona Sarajevo

Ministarstvo za odgoj i obrazovanje Kantona Sarajevo i Ministarstvo za rad, socijalnu politiku, raseljena lica i izbjeglice Kantona Sarajevo

Da se osigura besplatan produženi boravak za djecu sa poteškoćama u razvoju a koja pohađaju JU Centar za odgoj, obrazovanje i rehabilitaciju Vladimir Nazor, kao i da se produženim boravkom obuhvate i djeca 5. razreda koja pohađaju pomenuti Centar.

OBRAZLOŽENJE:

Novim zakonskim odredbama o odgoju i obrazovanju koje je usvojila Skupština Kantona Sarajevo, pruža se osnov za sufinansiranje rada produženog boravka. Vlada je zbog toga donijela Program sufinansiranja troškova produženog boravka za učenike od prvog do četvrtog razreda u osnovnim školama KS u školskoj 2024/2025. godini. Važna stavka ovog Programa jeste da su sva djeca koja rade po individualno prilagođenom programu u redovnim školama ili u centrima za učenike sa teškoćama, a pohađaju produženi boravak, u potpunosti oslobođena plaćanja produženog boravka.

Mađutim, na bazi informacija koje sam dobila od strane roditelja, u JU Centar za odgoj, obrazovanje i rehabilitaciju Vladimir Nazor djeca nisu oslobođena datih troškova produženog boravka, te su sa roditeljima potpisani ugovori o korištenju usluga produženog boravka, gdje su roditelji obavezni platiti mjesečni iznos od 140 KM. U skladu sa navedenim tražim hitno postupanje ministarstva da se pronađe prelazno rješenje dok se ne uradi IPP za djecu u JU Centar za odgoj, obrazovanje i rehabilitaciju Vladimir Nazor, a koja svakako rade po posebnom planu i programu.

Dodatno, inicijativa se odnosi i na činjenicu da djeca sa poteškoćama u razvoju koja pohađaju gore pomenutu javnu ustanovu, a nakon završenog 4. razreda, nisu u mogućnosti samostalno boraviti kući prije i nakon škole a tokom radnog vremena roditelja, te im je potrebna briga i njega koju mogu dobiti kroz produženi boravak. U vezi sa navedenim, upućujem inicijativu da se razmotre modaliteti da se osigura produženi boravak i nakon 4. razreda.

S poštovanjem,

Jelena Pekić
Zastupnica u Skupštini Kantona Sarajevo